


60

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
AUG 11 1936

T 9100.0122 B









說郭目錄

身第五十八

汝南先賢傳

周斐

陳留耆舊傳

蘇林

會稽先賢傳

謝承

益都耆舊傳

陳壽

楚國先賢傳

張方

襄陽耆舊傳

習鑿齒

長沙耆舊傳

劉歆



零陵先賢傳

司馬彪

廣州先賢傳

鄒閔甫

閩川名士傳

黃璞

西州後賢志

常璩

文士傳

張隱

列女傳

皇甫

益

梓潼士女志

常璩

漢中士女志

常璩

孝子傳

徐廣

幼童傳

劉劭

高道傳

賈善翊

續神仙傳

沈份

方外志

集仙傳

魯情

列仙傳

劉向

江淮異人錄

吳淑



五封異人錄 吳

梁山書院

會館

汝南先賢傳

晉 周斐

哈佛大學漢和  
圖書館珍藏印

鄭敬右于蟻陂之陽以漁釣自娛彈琴咏詩常方坐於陂側以蒹葭為席常隨祀柳之陰

周燮好潛養靖志唯典籍是樂有先人草廬在於東坑其下有陂魚蚌生焉非身所耕食則不食也

戴良家五女皆布裙無緣裙四等

蔡順母平生畏雷自亡後每有雷震順輒登塚泣曰順在此



永平十三年楚王英謀爲逆事互相牽引拘繫者千餘人三年而獄不決坐掠幽而死者百餘人天用災旱赤地千里袁安拜楚郡太守卽捩轡而行旣到決獄事人人具錄其辭狀本非首謀爲主所引應時理遣一旬之中言千人之命其時甘雨滂霈歲大稔周舉字宣光姿貌短陋有晏子之風新蔡鄭敬都尉高懿廳前槐樹有白露類甘露懿問椽屬皆言是甘露敬曰明府德政未致甘露但樹汁耳懿不悅稱疾而去

太原舊俗以介子推焚骸一月寒食莫敢烟爨

薛苞好學篤行喪母以至孝聞父娶後妻而憎苞分之令出苞日夜號泣不能去至被毆杖不得已廬于舍外且入而掃父怒又逐之乃廬于里門晨昏不廢積歲餘父母慚而還之

周燕字少卿爲決曹掾平囚罪不當死太守劉宏欲殺之燕犯顏諫至于九復處怒竟殺之死後其家人有書稱冤使覆考慮見燕曰太平相負燕百引私隱陷人之罪傳詣長安當下蠶室未至燕乃慷慨絕命



漢書卷之九十四  
若是葬玉城之隱樹碑以旌其葬  
前隊大夫有范仲翁蓋鼓蒜果共一甬  
李宣之子名表宋公令寇端召表爲主簿表不樂爲  
吏於寺門中焚燒衣幘端怒收表欲殺之陳仲舉聞  
之至宋公欲請表先過宣宣問何故來曰欲見寇令  
請足下見宣曰吾子犯罪罪當死如有白君豈妄殺  
人宜此還端追問仲舉仲舉具以語之端乃歎曰李  
宣烈士也卽原之

葛玄見賣大魚者玄謂暫煩此魚到河泊處魚主曰  
魚已死玄曰無苦以丹書紙內魚口中擲水中有頃

魚還躍上岸吐墨書青黑色如木葉而飛又玄與吳  
王坐樓上見作請雨土人玄曰雨易得耳卽書符着  
社中一時之間大雨流淹帝曰水中有魚乎玄復書  
符擲中須臾有大魚數百頭使人治之

建武八年車駕西征隗囂郭憲諫曰天下初定車駕  
未可以動憲乃當車拔佩刀以斷車鞅帝不從遂止  
隴其後頴川兵起迴駕而還帝歎曰恨不用光祿之  
言



黃憲不矜名以詭侍不抗行以矯俗闕其門者莫敢  
踐其庭觀其流者不能測其深論者咸曰顏子復生  
乎漢代矣而其祖族出自孤鄙父爲牛醫少無度教  
而後能傑然秀出可謂天授者也曰天不奪賢也  
范滂被收口願得一幡薄埋于首陽山上不負黃天  
下不愧夷齊聞大儒流涕而曰本中休戚與之公  
薛直歸先人家側種稻芋稻以祭祀芋以充飢耽道  
說禮玄虛無爲

周昉字偉公年十六任郡小吏世祖巡狩汝南掾史  
試經昉尤能誦讀拜爲守丞昉以未冠請去師事徐  
州刺史蓋豫明經舉孝廉拜郎中

人慕尚高帝時爲太史不辨詔書有馬公  
集獄棘刺上相與而唯此古曰省者曾命之  
即復也我當復官有頃詔還故官

董宣爲北海太守大姓公孫丹遣起人宅工  
宅當出一喪丹使子取行人殺之以報

殺之



陳留耆舊傳

蘇林

閩人魏尚高帝時爲太史有罪詔繫獄有萬餘頭雀集獄棘樹上拊翼而鳴尚占曰雀者爵命之祥其鳴卽復也我當復官有頃詔還故官

董宣爲北海太守大姓公孫舟造起大宅工占之曰宅當出一喪舟使子取行人殺之以塞咎宣收舟考殺之

高順字孝甫敦厚少華子式至孝蜾蠃爲災不食式



麥

小黃恒牧爲都尉功曹與郎君共歸鄉里爲赤眉所得欲殺啖之牧求先死賊義釋之送與豈豆一斛

范丹學通三經常自賃灌園

吳祐爲膠東相嗇夫孫性盜富民錢五百爲父市單衣父恐便以單衣謁門自謝祐遂以單衣遺其父

閩人魏尚高帝特爲太史有罪繫詔獄有萬頭雀集獄棘樹止附翼而鳴尚占曰雀者爵命之祥其鵠卽復也我其復官有頃詔還故官

洛陽令董宣死詔使視之闌輦一乘車馬一匹帝聞董宣之清死乃知之



會稽先賢傳

謝

孔愉字敬康嘗至

興縣餘于亭見人籠龜於路愉

求買放之於溪中

行至水反顧愉及封此亭侯而

禱印龜首迴

不正有似昔龜之顧靈德應感

如此愉悟

而

闕澤字德潤母抱

八月叱聲震郊年十三夢見名

字炳然在月

董崑字文通為大

希丞坐無完席

書



陳業字文理業兄度海傾命時依止者五六十人骨肉消爛而不可辨別業仰皇天誓后土曰聞親戚者必有異焉因割臂流血以洒骨土應時受血餘皆流去

魏朗字少英為郡功曹正旦掾吏顧龕被裘以加朝服朗以裘非臣服不敬勅卒撤去龕恚而不聽朗右手鳴鼓左手擻代之朗辭病不就

賀劭為人美容止與久益敬之在官府常着鞮

希見其足

陳修字奉先為豫太守廳事薦編絕不改易郡風

俗不整常卷坐席唯禰穉李贄數詣問乃待以殊禮

焉



益都耆舊傳

晉 陳壽

楊田爲成都文學掾少治易曉占候忽有風起太守  
問田荅曰南方有薦木實者色黃赤頃之五官掾獻  
橋數苞

趙瑤爲閬中令時西州遭旱瑤率掾吏齋戒于靈星  
池歸咎自責稽首流血應時大雨

落下閎字長公明曉天文隱於落下武帝徵待詔太  
史於地中轉渾天攷顓頊歷作太初曆拜侍中不受



日後八百歲此曆差一日當有聖人定之

漢武帝時蜀張寬為侍中從祀甘泉至渭橋有女子

浴于渭水乳長七尺上怪其異遣問之女曰帝後第

七車知我已知寬在第七車對曰天星主祭祀者齋

戒不潔則女人見

李孟元修易論語大義畧舉質性恭順與叔子就同

居就有痼疾孟元推所有田園悉以讓就夫婦紡績

以自供給

趙閱字溫柔幼時讀尚書默識其音句

朱倉字卿雲之蜀從處士張寧受春秋糶小豆十斛

屑之為糧閉戶精誦寧矜之斂得米二十石倉不受

一粒

郭賀拜荊州刺史明帝巡狩到南陽特見嗟嘆賜以

三公之服黼黻旒冕勅云瞻露冕使百姓見此衣服

以彰其德

張松為人短小放蕩不治節操然識達精果有才幹

劉璋遣詣曹公曹公不甚禮公主簿楊修深器之白

公辟松公不納修以公所撰兵書示松松晏飲之間



一看使聞誦修以此益奇之

黃漢馮顯為謁者逐軍于至雲中大將軍梁冀遣人求鷹止晉陽令人不避顯收之使人擊鷹而亡顯追捕甚急冀辭乃止

張充為州治中從事刺史每日坐高床為從事設單席於地

張霸字伯饒為會稽太守舉賢士勸請教授一郡慕化但聞書聲又野無遺寇民語曰土烏鳴哺父母府中諸吏皆孝友

何祗字君肅汝山夷不安以祗為汝山太守民夷服信遷廣陵後夷反叛辭曰令得前何府君乃能安我耳時難復屈祗挾族人為之汝山復得安

標宗字伯騫為治中與人交結久而益親其所拔進皆世所稱致位牧守鄉里為之語曰得黃金一筥不如標伯騫所識

何祗夢桑生井中趙直占曰桑非井中之物桑字四十八君壽恐不過此祗年四十八而卒  
楊子拒妻者劉懿公女也字恭璞貞勲達禮有四男



男二女拒早亡教遵閨門動有法則長子元琮常出  
飲酒自輿而歸母不見十日因諸弟謝過乃數責之  
曰夫飲食有節不至流酒者禮也汝乃沉荒慢而無  
禮自爲敗首何以師先諸弟

楚國先賢傳

張方

黃香字文強江夏人博覽傳記群書無不涉獵京師  
號曰天下無雙江夏黃香

孟宗字恭武至孝母好食笋宗入林中哀號方冬爲  
之出因以供養時人皆以爲孝感所致

石偉字公操南郡人仕吳爲光祿大夫吳建威將軍  
王戒親詣偉大康二年詔以偉爲議郎加二千石秩  
以終厥身偉遂陽狂久竟不受



陰蒿字文王南陽新野人衛尉典從祖兄也少喪父  
母與叔父居恭謙婉順溫良節儉王莽末義兵初起  
乃與叔父避世蒼梧後徵拜謁者以叔父憂棄官張  
掖

孫携字文英與李元禮俱娶太尉桓焉女時人謂桓  
叔元兩女俱乘龍言得婿如龍也

韓堅將終遺言曰夫俗奢示之以儉儉則節之以禮  
禮見前世送終過制矢之甚也若曹敬聞吾言欲以  
瓦器葬以三蒸穿屨使葬送之以瓦器慎勿有增益

也

李善字次孫南陽人也本同縣李元蒼頭建武中元  
家死沒產孤兒續始生善親自哺養世祖拜善及續  
並爲太子舍人善顯宗時辟公府時以能治劇再遷  
日南太守從京師之官道經南陽李元塚未至一里  
乃脫服持劍太草及拜墓哭泣甚悲身炊爨自執俎  
鼎以修祭

應余字子正爲郡功曹是時吳勤不賓山民皆叛余  
與太守東方袞逆力得出賊便射袞余以身當箭被



七瘡因謂賊曰我以身代君已被重瘡若身死君全  
殞歿無恨因仰天號泣涕血俱下如雨賊見其義烈  
釋袞不害

襄陽耆舊傳

宋 習鑿齒

宋玉

宋玉者楚之鄢人也故宜城有宋玉塚始事屈原原  
既放逐求事楚友景差景差懼其勝已言之於王王  
以為小臣玉讓其友友謝之復言於王王識音而善  
文襄王好樂愛賦既美其才而憎之似屈原也曰子  
盍從俗使楚人貴子之德乎對曰昔楚有善歌者始  
而曰下里巴人國中屬而和之者數百人既而曰陽



襄陽耆舊傳  
春白雪朝日魚離國中屬而和之者不至十人舍商  
吐角絕倫赴曲國中焉  
彌高其和彌寡  
不至三人矣其曲

龐德公

後漢龐德公襄陽人居峴山之南未嘗入城府躬耕  
田里夫妻相待如賓琴書自娛觀其貌者肅如也荆  
州牧劉表數延請不能屈乃自往候之諸葛孔明每  
至公家獨拜公於牀下公殊不令止司馬德操嘗造  
公值公渡沔止先人墓操徑入堂上呼德公妻子使  
作黍徐元直向言有客即來就公談論妻子皆奔走  
供設德操少德公十歲以兄事之呼作龐公也人乃  
謂公是德公名非也後遂携其妻子登鹿門山託言  
採藥因不知所在從子統

龐統

統字士元少未有識者惟德公重之年十八使詣司  
馬德操德操與語自晝達夜乃嘆息曰德公誠知人  
此實盛德也必南州士之冠冕由是顯名後劉備訪  
世事於德操曰後生俗士豈識時務識時務者在乎



襄陽者有傳  
俊傑此間有卧龍鳳雛備問誰曰諸葛孔明龐士元也

王逸

後漢王逸字叔師南郡宜城人元初中舉上計吏爲校書郎累至侍中著楚詞章句行於世其賦誄書論及雜文凡二十一篇作漢詩百二十三篇子延壽字文考作靈光殿賦蔡邕亦造此賦未成及見甚奇之遂輟翰曾有奇夢惡之作夢賦以自勵後溺死

蔡瑁

後漢蔡瑁字德珪襄陽人性豪自喜少爲魏武所親劉琮之敗武帝造其家入瑁私室呼見其妻子瑁曰德珪故憶往昔共見梁孟星孟星不見人時否聞今在此那得面目見卿邪是時瑁家在蔡洲上屋宇甚好四墻皆以青石結角婢妾數百人別業四五十處漢末諸蔡最盛

楊慮

後漢楊慮字威方襄陽人少有德行爲沔南冠冕州郡禮重諸公辟命皆不能屈年十七而天門徒數百



襄陽耆舊傳  
人宗其德範號爲德行楊君許洗是慮同里人少師  
慮爲魏武從事中郎事劉備昔在劉表坐論陳元德  
者其人也慮弟儀

繁仲皇

後漢繁仲皇襄陽人爲青州刺史自爾以來雖無名  
德重位世世作書生門戶

習融

後漢習融襄陽人有德行不仕子郁字文通爲黃門  
侍郎封襄陽公

習温

習温識度廣大歷長沙武昌太守選曹尚書廣州刺  
史從容朝位三十年不立名跡不結權豪飲酒一石  
乃醉有別業在洛上每休沐常宴其中長子宇執恣  
郎曾取急趨車乘道從甚盛温怒杖責之曰吾聞生  
於亂世貴而能貧始可以亡患况復以侈靡競乎

黃承彥

黃承彥高爽開朗爲沔南名士謂孔明曰聞君擇婦  
身有醜女黃頭黑面才堪相配孔明許卽載送之時



人以為笑樂鄉里為之諺曰莫作孔明釋婦正得阿承醜女

馬良

蜀馬良字季常襄陽宜城人也兄弟五人並有才名而良稱白眉先主領荊州辟良為從事

廖化

蜀廖化本名淳中廬人也世為沔南冠族為關羽前將軍主簿敗沒於吳思嚮劉備乃詐死因將老母晝夜西奔備於秭歸備大悅以為宜都太守後為亮參

軍

董恢

蜀董恢字休緒襄陽人事先主為宣信中郎諸葛辟為丞相府屬遷巴郡太守侍中董允等共期游宴即命解驂

李衡

吳李衡字叔平襄陽人習竺以女英習配之漢末為丹陽太守衡每欲治家事英習不聽後密遣客十人往武陵龍陽泛洲上作宅種橘千株臨死勅兒曰汝



母每怒吾治家事故窮如是然吾州里有千頭木奴  
不責汝食歲上匹絹亦當足用爾衡既亡後二十餘  
日兒以白英習曰此當是種柑也汝家失十客來七  
八年必汝父遺為宅汝父恒稱太史公言江陵千樹  
橘當封君家吾答云士患無德義不患不富若貴而  
能貧方好爾用此何為吳末衡柑成歲得絹數千匹  
家道富足晉咸康中其宅上枯藁猶在

韓係伯

齊韓係伯襄陽人也事父母

隣居種桑樹於界上

為誌係伯以桑枝蔭妨他地遷數尺隣畔隨復侵之  
係伯輒更改種隣人慙愧還所侵地躬往謝之

郭祖深

梁郭祖深襄陽人也武帝溺情內教朝政縱弛祖深  
輿觀詣闕上封事

蔡道貴

齊蔡道貴襄陽人舉勇秀出當時以比關羽張飛

魚弘

梁魚弘襄陽人白皙美姿

凡五為太守卒官



文虔字仲孺爲郡功曹時霖雨廢民業太守憂悒召  
虔補戶曹掾虔奉教齋戒在社三日夜夢見白頭翁  
謂曰爾來何遲虔具白所夢太守曰昔禹夢青繡衣  
男子稱滄水使者禹知水脉當通若掾此夢將其比  
也明日果大霽

徐偉

徐偉奴善叛知識欲爲偉售之偉曰不得奴往當復  
逃亡豈可虛受其價廉平義正若此

虞芝

虞芝州命辟南陽從事太守張忠連姻王室罪名入  
重芝依法執按刺史畏勢召芝芝曰吾年往志盡譬  
如八百錢馬死生同價且欲立效於明時耳遂殺偉  
去



零陵先賢傳

可馬彪

劉巴

劉先主欲遣周不疑就劉巴學巴曰昔游荆北時涉師門記問之學不足紀名猶天之南箕虛而不用賜書乃欲賢甥摧鸞鳳之翮游燕雀之宇將何以啓明之哉

鄭產

鄭產零陵人為白土鄉耆夫時民家產子一歲輒出



以錢以故貧家鮮有舉子者  
產勸百姓勿殺子曰錢  
皆為代出郡縣具以聞上錢  
因得免改白土曰更生  
生鄉

葉謙

葉謙字令思零陵人少負節  
操未幾舉孝廉王濟謂  
謙曰君吳楚人也亡國之餘  
存何秀異而應斯舉謙  
曰君不聞明珠大貝獨生海  
濱之濱乎為之武子默  
然

蔡倫

蔡倫字仲敬零桂人少負才  
名官常侍造紙有聲



廣州先賢傳

闕名

頓琦

頓琦至孝母喪感慕哀聲不絕有飛鳧白鳩棲廬側見人卽去見琦而畱又丁密遭父艱致飛鳧一雙游廬旁小池見人則馴附如家所畜後遭母喪密歸至所居一宿故雙鳧復游戲池中

廖冲

廖冲明經修行武帝好儒學招天下名士冲與焉比



上耄荒諸子皆器汰冲歎曰根本撥矣天下能久治乎

梅銷

梅銷家滇水上從吳芮定百粵有功梅嶺因銷封地得名後銷將庾勝兄弟居守又名大庾嶺非謂嶺上有梅也

羅威

羅威性至孝遇寒常以身温蓆母乃寢夏月必撤帳而卧曰吾供蚊蚋恐去齧老母也遇老稚負戴於途

即為代其任邑人化之



周匡物

黃璞

周匡物

周匡物字幾本漳州人爲元和十二年王播榜下進士及第時以歌詩著名初周以家貧徒步應舉落魄風塵懷刺不偶路經錢塘江乏僦船之資久不得濟乃於公館題詩云萬里茫茫天塹遙秦皇底事不安橋錢塘江口無錢過又阻西陵兩信潮郡牧出見之乃罪津吏至今天下津渡尚傳此詩諷誦舟子不敢



取舉選人錢者自此始也

林藻

貞元中杜黃裳知舉試珠還合浦賦進士林藻賦成憑几假寢夢人謂之曰君賦甚佳但恨未叙珠來去之意爾藻悟視其草乃足四句其年擢第謝恩黃裳謂曰唯林生叙珠來去之意若有神助

王播

王播年五十始登第同年陳通方年最少因戲拊播背曰王老王老奉贈一第言日暮途遠便同贈官也播曰擬應三篇通方曰一之謂甚其可再乎王銜之及爲相通方竟爲所困而終



西州後賢志

晉 常璩

聞之善志者述而不作序事者實而不華是以史遷  
 之記詳于秦漢班生之書備乎哀平皆以世及事邈  
 可得而言也西州自奉聖晉後俊瑋侗儻之士或修  
 德讓行止從時或播功立事羽儀上京策勳王府甄  
 名史錄侔于先賢會遇喪亂軋造華夏頽墜典籍多  
 缺族祖武平府君愍其若斯乃操簡授翰拾其遺闕  
 然但言三蜀巴漢未列又務在舉善不必珍異揆之



耆舊竹素宜闡今更撰次損益足  
銘後觀凡三十人

綴之斯篇雖行故墜沒大較舉其  
一冊

衛尉散騎常侍文立廣休

散騎穆穆誠感聖君

西河太守柳隱休然

西河烈烈秉義居貞

漢嘉太守司馬勝之典先

漢嘉克讓謙德之倫

郫令州王簿常助修業

君若善謔自固底身

江陽太守何隨季業

江陽皎皎命世清淳

梓潼太守王化伯遠

梓潼矜矜在險龍平

太子中庶子陳壽承祚

庶子稽古遷國並聲

漢中太守李密令伯

漢中躡躡才蓋群生



健為太守杜軫超宗

健為印印友等是令

給事中任熙伯達

給事溫恭尚德茂榮

中書郎王長文德雋

中書淵識寶道翰明

大長秋壽良文淑

長秋忠肅明允篤誠

兵司農西城公柯舉惠典

司農運籌思侔良孚

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書李繩古之遺直

湘東太守常壽季慎

湘東汎愛仁以接物



武平太守常寬秦恭

武平令齊水清王焜

揚烈將軍梓潼內史譙登慎明

嬰

江陽太守侯馥世明

錫

五公

司空何武

司空趙戒

太尉趙謙

司徒趙溫

司空張皓



文士傳

言一 張隱

成公

成公綏口不能談而一窮困以筆答一見其深智

張儼

張儼朱異張純三人共詣驃騎將軍朱據據聞三人  
才名告各為賦然後乃坐純乃賦席曰席為冬設簾  
為夏施揖讓而坐君子攸宜

孔融



孔融年四歲與諸兄食梨輒取其小  
曰我小兒法當取小者由此宗族奇之

江統

江統召補洗馬每有凝滯大事  
議輒為同官

所推常為之作草

束皙

束皙晚應司空除著作佐郎  
創三帝紀及

十志

孫盛

孫盛為秘書監篤尚好學自少長常手不釋卷既居

史官乃著三國陽秋

張純

吳郡張純少有令名嘗謁鎮南將軍朱據據令賦

物然後坐純應聲便成文不加點

王肅

王肅對明帝曰司馬遷記事不虛美不隱惡劉向揚

雄服其叙事有良史之才謂之實錄

賈謐



賈謐與愍懷太子傳爭道成都王厲聲曰皇帝太子國之儲君賈長淵何得無禮

張衡

張衡拜侍中恒居帷幄從容風議拾遺左右

劉禎

劉禎字公幹少有才辨常豫魏文帝座見甄后不伏武帝嘗怒配上方武帝輦至上方觀作署禎故匡坐正色磨石不仰武帝問曰石何如禎因得喻已自理乃墜曰石出自荆山玄岩之巔外有五色之章內有

含和之性磨之不瑩雕之不增美稟氣堅貞受茲自然顧其理枉屈紆繞猶不得中武帝顧左右大笑即日還官赦禎復署吏

潘尼

潘尼與同僚飲主人有瑠璃椀使客賦之尼於座立成

武帝

初武帝招延後進二十餘人置酒賦詩不成罰酒三斗臧盾飲盡顏色不變言笑自若蕭介染翰便成文



加點帝兩美之曰臧盾之飲蕭介之文卽席之美

張秉

張秉自知短命乃作十年歌詩以自傷

孔燁

孔燁字正忠解音律彈琵琶

齊女

晉 皇甫謐

齊孤逐女其狀甚惡又齊宿留女項有大瘡

妻孟光醜黑而肥力能舉石曰

曾稽翟素者翟氏之女也受聘未及配適遭賊欲犯

之臨以白刃素婢名青青乞代素賊殺素後欲犯青

青曰向欲代素恐被耻獲害耳今素尚死何以生為

賊復殺之

魯漆室女倚柱而嘯隣婦謂之曰何嘯之悲也子欲

列女傳



嫁乎吾爲子求偶女曰吾豈嫁哉吾憂魯君老而大  
子少也隣婦曰此乃魯大夫之憂也且魯國雖有事  
婦人何與女曰子知其一不知其二也  
魯漆室之女曰昔有客繫馬園中馬逸踐葵使子終  
歲不飽葵

湯妃有莘之女也擇德高如伊尹者爲之臣佐湯獲  
王訓正後宮嬪御有序咸無嫉妬逆理之人生三子  
太丁外丙仲壬教誨有成太子早卒丙壬嗣登大位  
有虞二妃帝堯之二女也長曰娥皇次曰女英堯舉

舜爲相攝行于政舜無事常謀於二女舜旣受禪爲  
天子娥皇爲后女英爲妃事瞽瞍猶若初焉天子稱  
二妃聰明貞仁舜陟方死蒼梧二妃死於江湘之間  
故謂之湘君

齊人杞梁襲莒戰而死其妻就夫之死城下哭之七  
日而城崩

楚江乙毋者當恭王之時乙爲大夫有入王宮盜者  
令尹以罪乙請于王而黜之處無幾其毋亡布八尋  
言令尹盜之王曰令尹職上寇寇盜在下令尹不知



有何罪焉妣曰昔日妾子為郢大夫夫人盜王宮中之  
 物妾子坐之而黜令尹獨何不以是為過也王曰善  
 令吏償毋之布因賜金十鎰毋讓金而曰妾豈  
 而干王哉怒令尹之治也遂不肯受王曰毋智  
 其子必不愚乃復召江乙而用之

魯黔婁先生死曾子與門人往吊焉曰何以為  
 妾曰以康為謚昔先王嘗賜之粟三十鍾先生  
 不受是其餘富之君君之長之以國相先生  
 為是其

位不戚戚於貧  
 賤不急急於富貴求仁而得仁  
 義而得義其謚為  
 康不亦宜乎

廣漢汝歸者汝敦  
 之妻也居世殷富兄弟早孤而嫂  
 貪恪敦以所受田  
 宅奴婢三百餘萬悉讓與兄裁畝  
 園地數十畝起舍  
 耕作土中得金一器敦以示妻妻  
 口本言讓先祖所  
 有也此金非其有耶敦曰固吾意

也乃俱擔金與兄  
 嫂嫂初謂叔窮乏來欲借貸有不  
 悅之色見金而喜  
 兄乃惻然感悟棄妻還金

鄰氏孟軻之母見  
 孟子少而學歸母方織問之曰子



之廢學若吾斷織孟子懼因更勤不息遂成大儒

梓潼士女志

晉 常璩

文齊字子奇梓潼人也孝平帝末以城門技尉爲健  
 爲屬國遷益州太守造開稻田民咸賴之公孫述時  
 拒郡不服述拘其妻子許之公侯招之不應乃遣使  
 由交趾貢獻河北述平世祖嘉之徵拜鎮遠將軍封  
 成義侯南中咸爲立祠子忱有令德爲北海太守  
 李業字巨遊梓潼人也少執志清白太守劉咸慕其  
 名召爲功曹不諳咸怒欲殺之業徑入獄咸釋之公



孫述累聘不應述怒遣鴻臚尹融持毒藥酒逼之業  
笑曰名不可毀身可殺不可辱也遂飲藥死述耻殺  
名士賜錢百萬子暉逃匿不受建武中察孝廉爲遂  
久令

景毅字文堅梓潼人也太守丁羽察舉孝廉司徒舉  
治劇爲沔陽侯相高陵令立文學以禮讓化民遷大  
守上封吏守闕請之三年不絕以子顧師事少府李  
膺膺誅自免久之拜成都令遷益州太守上封吏民  
涕泣送之一至沮者七百人白水縣者二百人備益州

亂後米斗千錢役至恩化暢洽比去米斗八錢鳩鳥  
巢其廳孕育而去三府表薦徵拜議郎自免歸牧州  
劉焉表拜都尉爲人廉正疾淫祠救子孫惟修善爲  
禱仁義爲福年八十一而卒

楊克字盛國梓潼人也少好學求師遂業受古學於  
扶風馬季長呂叔公南陽朱明叔潁川白仲職精究  
七經其朋友則潁川荀慈明李元禮京兆羅叔景漢  
陽孫子夏出陽王叔茂皆海內名士還以教授州里  
常言圖緯空說去事希畧疑非聖不以爲教察孝廉



為郎卒

景鸞字漢伯梓潼人也少與廣漢郝伯宗蜀郡任叔  
本潁川李仲渤海孟元叔遊學七州遂明經術還乃  
撰禮略河洛交集風俗雜書月令章句凡五十餘萬  
言太守某貶命為功曹察孝廉舉有道博士徵不詣  
然上陳時正言經得失又戒子孫人紀之禮及遺令  
期死焚不設衣襪務在節儉甚有法度卒終布衣  
張壽字伯禮涪人也少給縣丞楊放家放為梁賊所  
得壽求之積六十始知其生存乃賣家鹽井得三十  
萬市馬五匹往蜀放道為羗所劫掠盡凡往三年計  
道遠不可得數乃單身詣 涕泣自說 衣其屨求  
遣放隨還郡名為中侯詔書除巫尉以身佩印盡來  
所有財物與二弟復為郡掾章平賦役歲出三百五  
十萬遷功曹吏徙五官掾卒

李餘涪人父早世兄夷殺人亡命母慎當死餘年十  
三問人曰兄弟相代能免母否人曰趣得一人耳餘  
乃詣吏乞代母死吏以餘年小不許餘因自死吏以  
自令令哀傷言郡郡上尚書天子與以財幣圖書府



廷

寇祺字宰朝梓潼人也與邑子侯蔓俱學涼州蔓後  
爲渤海王象所殺祺仗劍至象家值象病象謝曰君  
子不掩人無備安有爲友報讐殺病人也祺乃還久  
之復往殺象由是察孝廉爲瀘陵令濟陰相

王晏字叔博涪人也與廣漢張昌弇叔受業大學昌  
爲河南呂條所殺晏叔殺條事在叔解

李助字翁君涪人也通名方技醫術作經方頌說多

齊郭王

以上多闕文

李仁字德賢涪人也益部多貴今文而不崇章句仁  
知其不博乃遊學荊州從司馬德操宋仲子受古學  
以修文自終

杜微字國輔涪人也任安弟子先主定蜀常稱韓關  
門不出建興二年丞相亮領州牧選爲主簿與而致  
之亮引見與書誘勸欲使以德輔時微固辭疾篤亮  
表拜諫議大夫從其所志

尹默字思潛涪人也少與李仁俱受學司馬微宋忠  
等博通五經專精左氏春秋自劉歆條例鄭衆賈逵



父子陳元方服虔注說畧皆誦述希復案本以左傳授後主後主立拜諫議大夫丞相軍祭酒子宗亦爲博士耳

李譔字欽仲仁子也少受父業又講問尹默自五經四部百家諸子伎藝筭計卜數醫術弓弩機械之功皆致思焉爲太子中庶子右中郎將著古文周易尚書毛詩三禮左氏注解太玄指依則賈馬異丁鄭玄與王肅初不相見而意歸多同

李福字孫德涪人也先主初爲成都令建興九年遷巴西太守後爲江州都督陽武將軍人爲尚書僕射封平陽亭侯延熙初以前監軍司馬福同郡梓潼文恭仲實亦以才幹爲牧亮治中從事丞相叅軍

季姜梓潼文氏女將作大匠廣漢王敬伯夫人也少讀詩禮敬伯前夫人有子博女紀流二人季姜生康稚芝女始示凡前後八子撫育恩愛親繼若一堂祖母性嚴子孫雖見宮二千石猶杖之婦跪受罰于堂歷五郡祖母隨之官後以年老不願遠鄉里姜亦常侍養左右紀流出適分已侍婢給之博好寫書姜手



爲作袞于是內門相化動行推讓博妻健爲楊進及  
博子遵婦蜀郡張叔紀服姑之教皆有賢訓號之三  
母堂亡義敕康稚芝婦事楊進如舅姑中外則之皆  
成令德季姜年八十一卒四男棄官行服四女亦從  
官舍交赴內外官冕百有餘人當時榮之王氏遂世  
興

杜慈涪杜季女巴郡虞顯妻也十八適顯顯亡無子  
季欲改嫁與同縣楊上慈曰受命虞氏虞氏早亡妾  
之不幸當生事賢姑死就養成室存亡等但欲在終  
供養亡不有恨願不易圖季知不可告而奪也乃密  
謀與強逼迫之慈縊復死

敬揚潯郭孟妻楊文之女也始生失母八歲父爲梁  
盛所殺無宗親依外祖鄭行年十七適孟孟與盛有  
舊盛數往來孟家敬揚涕泣謂孟曰盛凶惡薄命爲  
女非男比但惡讐未報未嘗一日亡也雖婦人拘制  
然父子恩深恐卒狂惑益君禍患君宜踈之孟以告  
盛盛不納安漢元年盛至孟家敬揚以大杖打殺盛  
將自殺孟止之與俱逃涪令雙勝出追聞其故而止







猶之人耳何其遠以虛名屢動徵書若至中國則  
價盡矣衡笑曰時有險易道有汙隆若樊季齊楊仲  
桓雖應徵聘何益于時乎苟無所則尼軻恹恹是以  
君平子真不屈其志其子之徒也哉吾何虛假之有  
安扶服之敬其言也

鄧先城固人也景帝時御史大夫晁錯患諸侯強大  
建議減削會吳楚七國謀反假言誅錯故吳相袁盎  
譖帝殺之拜盎太常使赦七國七國遂叛鄧公爲謂  
者人言軍事問曰七國聞晁錯死罷兵不對曰吳王

卽山鑄錢煮海爲鹽謀反積數十年錯患之故欲削  
弱爲萬世策諸侯謀之計畫始行身死東市諸侯莫  
憚內杜忠臣之口外爲諸侯報怨臣竊爲陛下不取  
也帝歎息曰吾亦恨之武帝初爲九卿

張騫城固人也爲人強大有謀能涉遠爲武帝開西  
域五十三國窮河源南至絕遠之國拜校尉從討  
有功遷衛尉博望侯于是廣漢緣邊之地通西南  
之蹇豐絕遠之貨令帝無求不得無思不服至今方  
外開通騫之功也



張猛字子游，壽孫也。師事光祿勳周堪，以光祿大夫給事中侍元帝。帝當廟祭濟渭，欲御樓船，御史大夫薛廣德當車免冠乞頸血，污車輪，陛下不得廟祭矣。帝不悅，猛進曰：「主聖則臣直，今乘船危，就橋安，聖上不乘危，故大夫言之。」帝曰：「曉人，不當如是也。」後與周堪俱以中正為幸。臣弘恭、石顯所譖，毀乍出，乍徵堪、平和、猛卒自殺。

楊王孫，城固人也。治黃老家，累千金，厚自奉。養臨終，告其子曰：「我死，裸葬以復吾真，但為布囊盛尸，入地。」七日既下，從兄脫之以身親土。其子不忍，見王孫友人邴戾，諫之王孫曰：「厚葬無益死者也。夫俾財送死，今日入明，日發，此真無異暴骸中原，裹以幣帛，隔以棺槨，含以珠玉，後腐朽乃得歸土，不可故。吾欲早就真宅，邴戾無以易卒，裸葬如其言。」

李邵，字孟節，南鄭人也。少明經術，為郡戾吏。和帝遣使者二人微行至蜀，宿邵戾舍。邵為出酒，夜臥露坐。邵問曰：「君來時，寧知二使何日發來耶？」二人怪問之。邵指星言曰：「有二使星入益部，後一人為漢中太守。」



命為功曹察孝廉遂馳名為尚書郎徙左丞相遷至  
尚書僕射尚書令拜司空又進司徒清公直亮當世  
稱名順帝世薨

李固字子堅邵子也陽喜三年以對策忠允拜議郎

大將軍梁商后父也表為從事中郎授荊州刺史值

州部有亂至州先友其賢者南陽鄭叔躬宋孝節零

陵支宣雅表薦長沙桂陽太守趙歷卒已奏免江夏

南郡太守孔疇高賜等州土自然安靜按本傳固奏高賜等賊穢

賜等懼罪厚賂梁冀徙太山太守克寧盜賊入為將

仍徙固太山太守

作大匠多致海內名士南陽樊英江夏黃瓊廣漢陽

厚會稽賀純光祿周舉侍中杜喬陳留楊倫河南尹

存東平王惲陳國河內清河房植等皆蒙徵聘轉大

司農順帝崩太后臨朝拜太尉與后弟大將軍梁冀

大傅趙峻並錄尚書冲帝崩時徐揚有盜賊太后欲

不發喪須召諸王至固爭不可言國家多難宜立長

君太后欲專權乃立樂安王為質帝質帝崩太后復

與梁冀謀所立固與司徒南郡湖廣司空蜀郡趙戒  
書與冀引周勃霍光立文宣以安漢之策聞鄧廢立



之禍言國統三絕期運厄會興崩之漸在斯一舉宜  
 求賢王親近不可寢嘿也冀得書召公卿列侯議所  
 立三公及鴻臚杜喬僉舉清河王蒜冀然之奏御太  
 后中常侍曹騰私恨蒜說冀明日更議廣戒從冀固  
 與喬必爭蒜宜立中興才也且年長識義必有厚將  
 軍冀不聽策免固喬歲餘取下獄以無事出之京師  
 市邑皆稱千萬歲冀惡其為人所善更奏擊之固書  
 與一公曰吾欲扶持漢室使之比隆文宣何圖梁冀  
 專迷謬諸子曲從以吉物為凶成事為敗漢家衰微

從是始矣將軍亦有不利吾雖死上不慚于天下不  
 愧于人求義得義死復何恨遂自殺一公得書歎息  
 流涕士民咸哀哭之桓帝無道冀尋受誅漢家遂微  
 政在閹官無不思固也

張亮則字元修南鄭人也為牂牁太守威著南土永  
 昌越雋 謀欲反畏則換臨其郡相諫而上號曰臥  
 虎以戊狄勲遷護羌校尉微拜扶風又換臨桂陽皆

平盜賊巴郡板楯反拜隆集校尉鎮漢中徙梁州刺  
 史又為魏郡太守所在稱治靈帝崩後大將軍袁紹



表爲長史不就丞相曹公拜度遼將軍

趙宣字子雅南鄭人也出自寒微以溫良博雅太守  
健爲楊文方深器異之遂察孝廉官至健爲太守

趙瑤字元珪琰字稚珪凡七兄弟宣子也皆以令德  
著聞瑤少有公望瑤始爲緱氏袁趙二公相與書曰  
趙瑤在緱氏猛虎歸迹百里均耳叔平何難遷扶風  
太守徙蜀郡司空張溫謂之曰昔弟五伯魚徙蜀郡  
爲司空掃吾第以待足下矣瑤曰諾尋換廣漢卒琰  
始爲青州刺史部下清肅徙梁相徵拜尚書不純卒

陳綱字仲卿成固人也少與同郡張宗受學南陽以

母喪歸宗爲安衆劉元所殺免喪往復之值元醉

臥還須醒乃殺之自拘有司會赦免三府並辟舉茂

才拜弘農太守初至有兄弟自相責引退是後無訟

者在官九年卒天子痛惜賜家錢四十萬

李法字伯度南鄭人也桓帝時爲侍中光祿大夫數

表宦官太盛椒房太重史官記事無實錄之才虛相

褒述必爲後笑帝怒免爲庶人恬然以咎失爲已責

久之徵拜汝南太守遷司隸校尉湛然無自得之容



李燮字德公太尉固子也父死時二兄亦死燮爲姊所遣隨父門生王成亡命徐州傭酒家酒家知非常人以女妻之延熹二年梁冀誅後月經陽道暈五車史官上書昔有大星升漢而西捲舌揚芒迫月熒惑犯帝座則有大臣杜誅星在西方太尉固應之令暈如之宜有赦命錄其遺嗣以除此異于是下赦燮得返舊四府並辟公車徵議郎與趙元珪潁川賈偉節荀慈明張伯慎爲友伯慎爲潁川太守與慈明交相言論偉節與焉京師以爲臧否伯慎問趙元珪曰德

公所言何元珪曰無言也伯慎追歎曰當如德公見輩徒靡沸耳慈明亦寤而心變拜東平相國下爲黃巾所沒得出天子復封之燮以爲不可果敗遷京兆尹時人爲之語曰李德公父不欲立帝子不欲立王陳雅字伯臺成固人也靈帝時爲諫大夫闕宦用事上疏曰昔孝和帝與中常侍鄭衆謀誅大將軍竇憲由是宦官秉權安帝幼冲和熹太后兄大將軍鄧騭輔政太后適崩中常侍江京等殺騭安帝登遐黃門孫程又殺車騎將軍閻顯孝桓帝又與中常侍單起



等其誅大將軍梁冀陛下卽祚太傅陳蕃太將軍竇武尚書令尹勲等欲誅宦官絕其奸擅盡忠王室建萬世策機事不密爲中常侍未瑀等所殺此卽陛下所見今宦官強盛威傾人主天下鉗口莫敢言者海內怨擊妖異并作四方兵起萬姓辛苦陛下尚可以安奈後嗣何帝不省納出爲巴郡太守年七十五卒臨終戒其子曰期運推之天下將大亂雄夫力爭無以資財爲意吾亡依山薄葬亡歲餘靈帝崩大將軍何進復爲黃門所殺海內果亂終成三國也

閻憲字孟度成固人也多知人爲綿竹令以禮讓爲化民莫敢犯男子杜成夜行得遺物一囊中布錦二十五疋求其主還之曰縣有明君何敢負其化童謠歌曰閻尹賦政旣明且臬去苛去僻動以禮讓遷蜀郡民泣涕送之以千數

李歷字季子太尉固從弟也少修文學性行清白與鄭康成陳元方齊名弱冠拜新城令朝請都督

程苞字元道南鄭人也光和二年上計吏時巴郡板楯反軍旅數起征伐煩天子忠之訪問益州計考以



方畧苞對言板橋忠勇立功先漢爲帝義民羗入漢中  
中輒蒙其力東征南戰世有功勞由不料卹以致叛  
亂非有俗盜能相羣殺兵臨之未必卒得不如但選  
明能太守恩信懷服自然安定矣天子從之卒如其  
言後在道卒

祝龜字元靈南鄭人也年十五遠學汝隸及太學通  
博蕩達能屬文太守張府君奇之曰吾見海內士多  
矣無如祝龜者也州牧劉焉辟之不得已行授葭萌  
長撰漢中耆舊傳以著述終

段崇字禮高南鄭人也太守河間鄭厯命爲主簿永  
初四年涼州羗反溢入漢中從厯屯褒中東攻厯  
欲戰崇諫不可願固壘待之厯不聽出戰敗績崇與  
門下吏王宗原展及子勃兄子伯生推鋒死戰衆寡  
不敵崇等皆死羗遂得厯殺之

程信字伯義南鄭人也時爲功曹守居馳來赴難獲  
殮厯喪送還鄉里訖乃結故吏冠蓋子弟二十五人  
言其報羗各募敢死士以待時太守鄧成命信爲五  
官元初二年復來信等將其同志率先奮討大破



之信被八創死天子咨嗟元初五年下詔書賜信崇家穀數千斛有王宗原展及嚴孳李容姜濟陳巴曹廉勾矩劉旌九人皆以令義爲鄭厘所命王宗原展與厘同死孳容等七人與信共并命詔書旣賜崇信家又賜九子家穀各五百斛給死事

燕邠字元侯趙嵩字伯高南鄭人也陳調字元化仲卿孫也邠爲刺史邠儉從事使在葭萌與從事董馥張胤同行儉爲黃巾賊王饒趙播等所殺邠聞故哀動說馥胤赴難二子不可邠難曰使君已死用生何

爲獨死之牧劉焉嘉之爲圖象學宮誅馥等嵩事太守蘇固固爲米賊張修所疾殺嵩痛之仗劍直入修營殺十餘人幾獲修死陳調少尚遊俠聞固死聚賓客百餘人攻修大破之進攻修營乃與戰以傷死又有陳術字申伯作者舊傳者也失其行事歷新城魏興上庸三郡太守及錫光等不列也

穆姜安衆令程祗妻司隸校尉李法姊也祗前妻有四子興敦覲豫穆姜生二子淮基祗亡興等憎惡姜姜視之愈厚其資給六子以長幼爲差衣服飲食凡



百如之久與等感寤自知失子道謁南鄭獄受不愛親罪太守嘉之復除門戶常以二月八日社致肉三十斤酒米各二斛六斗六子相化皆作令士五人州郡察舉基字稚業特雋免爲南郡太守

泰瑛南鄭楊相妻大鴻臚劉巨公女也有四男二女相亡教訓六子勳有法矩長子元珍出行醉母十日不見之曰我在汝尚如此我亡何以帥群弟子元珍叩頭謝過次子仲珍自母請客旣至無賢者母怒責之仲珍乃革行交友賢人兄弟爲名士泰瑛之教流丁三世四子才官隆於先人故時人爲語曰三苗不止四珍復起

杜泰姬南鄭人趙宣妻也生七男七女若元瑾稚瑤有壻五人皆令德其教男也曰中人情性可上下也在其檢耳若放而不檢則入惡也昔西門豹佩韋以自寬宓子賤帶弦以自急故能改身之恆爲天下名士戒諸女及婦曰吾之委身在乎正順及其生也恩自下撫愛其長之也威儀以先後之體貌以左右之恭敬以監臨之懃恪以勸之孝順以內之忠信以發



之是以皆成而無不善汝曹庶幾勿忘吾法也後七子皆辟命祭舉牧州守郡而漢中太守南鄭令多與七子同歲季考七計無不修敬恭姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪敕二婦曰吾先姑以師也常言聖賢必勞民者使之思善不勞則逸逸則不才吾家不為貧也所以粗食給吾者使知苦難備獨居時二婦再拜奉教從孫奉上微慢珪抑絕之感悟革行遭亂流節宗

欲見之必自嚴飾從子孫侍婢乃引見之曰此先法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英葬太尉李固女也父為梁冀所免兄憲公季公罷官歸文姬歎曰李公滅矣乃與二兄議匿弟燮父門生王成亡命徐州涕泣送之謂成曰

詭君以六尺之孤若李氏得嗣君之名義參于程杵矣久之遇赦燮得還行喪服閔勅之曰先公為漢忠臣雖死之日猶生之年梁冀以族弟幸得濟豈非天



平慎勿有一言加梁氏加梁氏則連主上是又撥爾也奉行之徒成在徐州各異處備贊而私相往來成病亡變四時祭之

陳順謙成固人也順謙適鄧令曹察十九察婦長育遺孤八十餘卒兄弟陳規著書歎述之惠謙適張亮則在扶風官下吏自欲重禁嚴擗以肅非死修訪于惠謙惠謙曰恢弘德教養廉免耻五刑三千善亦多矣又何加也兄弟伯思學仙道惠謙戒之曰君子疾沒世名不稱不患年不長也且夫神神愚惑如鼓風

捕影非可得也伯思乃止陳伯臺稱云女尚書之後

耳

禮修趙嵩妻張氏女也如酷惡無道遇之不以禮修

終無愠色及寧父母父問之但引咎不道姑卒感

寤更慈愛之鄉人相訓曰作婦不啻如趙伯高婦乎

皮惡姑知變可謂婦帥矣後姑病女來省疾姑却之

曰我死固當絕于賢婦手中後遭米賊嵩死乃碧塗

面亂首懷刀託言病賊不遇也養遺生女依父叔立

義終身者也



漢川山女志  
韓樹南南鄭人趙子賤妻也子賤初爲郡公曹李固  
之誅詔書下郡殺固二子憲公季公太守知其枉選  
之甚寬二子託服藥死其棺器欲因出逃子賤畏法  
救更驗實就殺之及固小子變得選子賤慮焚報仇  
賈人刺之變覺告郡殺子賤初樹南諫子賤子賤不  
從及臨死許其并命兄弟媿待婢視守之經百餘日  
乃忘曰兄媿念一死萬不得生不敢復圖死也上下  
以爲信然無幾時于幕下自殺

孝子傳

徐廣

老萊子至孝奉二親行年七十著五綵褊襦衣弄鷓  
鳥於親側

吳恒之性至孝母葬之夕設九飯茶每臨一祭輒號  
慟斷絕至七祭吐血而死

羅威母年七十天寒常以身溫席而後授其處

杜孝巴郡人也少失父與母居至孝稱後在成都母  
喜食生魚孝於蜀截大竹筒盛魚二頭塞之以草祝



曰我母必得此因投中流婦出汲乃見筒橫來觸岸  
異而取視有二魚含笑曰必我塔所寄熟而進之聞  
者嘆駭

吳人陳遺爲郡吏母好食鍋底焦飯遺在役恒帶一  
囊每熟食取焦者以貽母

郭巨河內溫人也妻生男謀曰養子則不得營業妨  
於供養當殺而埋焉鍤入地有黃金一釜上有鐵券  
曰黃金一釜賜孝子郭巨

閔子騫事後母極孝騫衣以蘆花御車失刺父怒笞  
之撫背之衣單父欲去后妻騫啟父曰母在一子寒  
毋去三子單

管寧避地遼東遇風船人危懼皆叩頭悔過寧惟誓  
言咎念常如斲不冠而已向天叩頭風亦尋靜

巴郡文壤母死墳土未足耕一畝地爲壤群鳥數千  
銜所作壤以著墳上

北平陽公輦水作漿以給過者兼補履襜不取其直  
天神化爲書生問云何不種菜曰無菜種卽與數升  
公種之化爲白壁餘皆爲錢公得以娶婦



王靈之廬陵西昌人喪父母二十年鹽酢不入其口  
所住屋夜有光庭中橘樹隆冬三實

吳猛年七歲時夏日伏於親牀下恐蚊蚋及父母  
鄧展父母在牖下卧多蚊展伏牀下以膚飼之

陳玄陳太子也後母譖之陳侯令自投遼水魚負之  
以出玄曰我罪人也故求死耳魚乃吞

蕭芝忠孝除尚書郎有雉數十頭飲啄宿上當上直  
送至岐路下直及門飛鳴車側

余嘗至綏安縣逢途逐獾猴母負子汲水水雖深而  
嬰童傳

梁 劉劭

任嘏

樂安任嘏者十二就師學不再問一年通三經鄉人  
歌曰蔣氏翁任氏童言蔣氏之門老而方篤任家之  
學幼而多慧

楊氏

楊氏子者梁國人也九歲甚聰慧孔君平詣其父父  
不在乃呼兒出為設果果有楊梅指以示兒此君家



果兒卽答曰未聞孔雀是夫子家禽

夏侯榮

夏侯榮字幼權沛國譙人也幼聰慧七歲能屬文誦書日千言經旨輒識之

祖瑩

祖瑩范陽人十二爲中書學生博士張天龍講尚選爲都講生徒悉集瑩夜讀書勞倦不覺天曉誤同房生趙郡李孝怡曲禮卷上座置禮於前誦出三篇不遺一字

孫士潛

士潛字石龍六歲上書七歲屬文金樓子自敘曰六歲解爲詩奉勅爲詩曰池萍生已合林花發稍因而稍學爲文也



高道傳

宋 賈善翊

司馬承禎

開元中文靖天師與司馬承禎各就枕忽聞小兒誦  
經聲泠泠如金玉天師窺之額上有小目如錢光照  
一席逼而聽之乃承禎腦中聲也

張果

明皇問葉法善張果何人法善曰混沌初分白蝙蝠  
精也果嘗乘一白驢日行數萬里夜即疊之其厚如



紙置巾箱中以水噴之復成驢也

蘇校書

蘇校書者好酒唱望江南善製毬杖外混于衆內潛  
修真每有所闕卽以毬杖干於人得所酬之金以易  
酒一旦于郡中白日升天

朱桃槌

朱桃槌居女毛村草服素冠晦名匿位織履自給口  
無二價或招以弓旌或遺以尺牘並笑傲不荅後虛  
室而逝

袁起

袁起者後漢時湘中人在鄉忽醉三日始醒起吐皆  
聞酒氣自云起與夫人共飲

李生

李生不知何許人與李羲範善一夕詣別曰某受命  
于冥曹主給一城內戶口逐日所用之水今月限旣  
畢不可久住後三日死矣所缺者顧送終之人少一  
千錢託道兄貸之因曰人世用水不過日用三五升  
過此極有減福折算切宜慎之



郗法遵

郗法遵居廬山簡寂觀道行精確獨力檢校以歷數  
年全無徒弟

續神仙傳

唐 沈份

古人神仙舉世知然飛騰隱化俗稀可覩先賢有言  
人間神仙之人猶于不  
故多不傳於世詳其史  
道激勵終古也若尚虛  
矣史記言三神仙在海  
樂生其上人有敬者則  
激勵之意也大哉神仙  
事靈異罕測初之修也守



一鍊氣拘謹法度孜孜辛勤恐失於半塗往海儲山積功之高者便爲仙官卑者尤爲仙民十洲間動有仙家四十萬耕植芝田課計頃畝如稻焉是仙官分理仙民及人間仙凡也其隱化者如蟬留皮換骨保氣固形於岩洞然後飛昇成於真信非虛矣份生而慕道尤喜積書及長遊歷凡接高士所說兼復積年之間聞見皆銘於心又以國史不盡散於野矧當中和兵火之後墳籍猶缺有秉筆札而述作處世斯久又漸希傳惜哉它時寂無遺聲今故編集其事分爲三卷與持茲好事君子以資談柄用顯真仙者

哉

飛昇一十六人

內真女三人

玄真子姓張名志和會稽山陰人也

藍采和不知何許人也

王老坊州宜君縣人也

道華自言蛾眉山來泊於河中永樂觀

尚湘字子然杭州鹽官縣人也

知通微莫知何所人也



金可紀新羅人也

賀自真莫究其來也

鄧去奢衢州龍丘人也

張氏號名玄靜縣令昇之女鄜縣尉李言妻也

戚氏道名逍遙與州官人也適同邑薊濤

宋元白不知何許人

吳蒙翁莫知其姓名

謙自然蜀華陽女真也

葉淑女真人也

宋儒子永嘉安固人也

許藉自稱高陽人也

隱化二十人

孫思邈京兆華原人也

張果隱於常州條山往來汾留間

劉商彭城人也家長安

許宣平新安歙人也

劉瞻小字宣歌瞻兄也

羅方衆不知何許人



李珣廣陵江陽人也

李昇字雲舉自言江夏人也

華千韶字魯聰洪州建昌人也

徐鈞者不知何許人多言

王可交蘇州華亭人也

錢朗字內光洪州南昌人也

司馬承禎字子微隱天台山

曹德林自言從東海青嶼山來遊於曲江

東萊鄉人也

聶師道字宋徵新安歙人也

羊惜者太山人也

殷七七名文祥又名道筌不知何所人也

譚峭字景昇國子司業珠之子

杜昇字可雲自言京兆杜陵人也







張明者永靜農家子也有道人者呼去入牢山授以  
修煉內丹之法明後舘于劉毅一日塞其兩楹間使  
毅立階阼上明袒臂中立頓撼支體俯而噓者數四  
忽仰而大呼嘖吐一赤丸其大如橘霞彩四發時毅  
家人婦女皆竊窺之光芒射隙間皆驚明却立須臾  
復吸而吞之出謂毅曰此吾十五年之所養也翌日  
不告而去莫知所之

胡恬如

胡恬如道高卧雲林善陰陽緯候星曆推步鑪火黃  
白之事景福年遇上蔡人馬處謙賣卜於世憫其瞽  
疾而致孝於二親學術未至旨甘不足因挈入山授  
其推課之訣歲餘業就送之出山







乃能飛昇是以三千行滿獨步雲歸茲語信而有証  
或修心鍊性自日益至於日損自有爲至於無爲成  
丹就住世成仙固自有次第又云親遇至人餌丹藥  
得要訣不假修爲一起直入蓬萊之地則繫於緣分  
如何耳劉向有列仙傳葛洪有神仙傳沈份有續仙  
傳予晚學養生潛心至道因采前輩所錄神仙事迹  
并所聞見編集成書皆有証據不敢增損名曰集神  
仙傳異代事得於碑碣者姑以其世冠於卷首其年  
不可考者次之其著見於本朝者又次之至於亡其

姓名者皆附之卷末中有長生久視之道曾勸功同  
同証道果浮生光景如流生老病死皆隨之事在勉  
強而已覽者詳焉紹興辛未至遊子曾慥述

岑道願江陵人也隋末已百餘歲

翟法言字乾佑夔州雲安人也唐天寶十四年四十  
一矣

王昌遇梓州人也大中十三年成道

楊雲外字慕仙徐州人也唐大中末抵萬洲

爾朱洞字通微不知何許人也唐懿宗朝學道



鍾離權字雲不知何許人也唐末入終南山

呂崑字洞賓又字希聖九江人也曾授真簽於正陽

子

應請不知何許人唐僖宗時為封令

屈突無為字無不為世不知其牒但云五代時得道

人

張鼇不知何許人也唐末得道

賀元不知何許人仕五代時至晉為水部

馬自然不知何許人也

張四郎眉州人也

黃損不知何許人也五代時仕南漢為尚書僕射

陳搏字圖南譙郡人也唐長興中舉進士不第

郭忠恕字以先不知何許人也漢湘陰公辟以事

王昭素酸棗人也開寶二年召至講易

趙靈運不知何許人也雍熙中為睦州令

穆苦拙莫詳其牒端拱中為洛州肥鄉令

張元夢字靈隱鳳翔蓋屋人也真宗召見

楊谷字虛白太室山人也真宗召之



藍方字道元亳州人也仁宗召至

劉昉字中明酸棗人也

晁迥字明達澶州人仁宗時以太子少保歸老

劉卮字伯壽開封尹矇之子

雷應本馮翊人家全州

鮮子先生蜀州人也嘗為司戶參軍

劉誼字宜翁湖州人也少登進士科官至二千石

王安國字平甫臨川人也神宗時入崇文館

高存不知何許人也政和初監秦州酒務

石延年字曼卿其先幽州人

張大夫魏州人也亡其名官至押班

周從泗州鼎族也

馬宣惠不知何許人仕至宣惠郎

田端彥齊魯間人也崇寧中僉事荆南節度府

傅霖林青州人也

劉希岳字秀峰漳川人也端拱中為道士

王江考城人也

趙吉秦州人也



張用成字叔天台州人也一名百端熙寧二年遇異人

劉卞功濱州人也徽宗三召之不應

劉生棣州人也

張繼先信州貴溪人天師道陵三十代孫也

武抱一逮人也

徐問真灘州人也

袁元不知何所人也

徐忍公不知何許人少爲京都徐氏携養

孫希齡不知其里居亦莫詳何代人

李鑒天不知何人太平興國初來遊蓬州

陳太初眉川道人子也蘇軾方八歲與先生同學

徐守信海陵人也人稱爲神翁徽宗召之

劉元真字子真華原人也

劉益京兆藍田人也徽宗召之

景知常鄧州人也太宗時從趙稭襖至闕下

姚道真合州人也

楊辰榮惠人也



塗辭蓬州人也

王鶴不知何許人也

趙筆師不知何所人也

張子完字無實邵武人也

趙元精良山人也

張先生黃州人也

張明永靜軍人也

田三禮不知何許人也元豐中教授洛州

王老志濮州人徽宗召至

陳舉蘇州人也

張士遜字順之光化人

木生奉天人也

李子廉衡山農夫也

水丘真州人也

段穀不知何所人也

學吳劔州人也

施無疾不知何所人也

王山人不知何所來遊于東都



李士寧字安道蓬州人也

張閏不知何所人也

張風子不知何所人也

張開光中江人也

越崔夏州人也

竇道士山東人也

梁公趙州人也

黃道覺蓬州蕘牧童也

普道成東平人也

崔知古舒州靈仙觀道士

李五郎汝州密人也

馮五郎永康青城人也

皇甫先生唐州人也

王先生隱王屋山常衣紙襖人呼王紙襖

房先生不知始何許人延安房氏養爲子

祝太伯不知何所人嘗爲傭於信州貴溪

褚先生不知何所人嘗遊東都

張先生池州人也



孫賣魚楚州人也徽廟解衣衣之

焦覺洛州人也

趙道翁蜀人也

吳大郎大名成安人也

周貫不知何許人也台平熙寧間往來南昌郡

潘谷伊洛間人也

劉野人青州人也

魏二翁漢雷澤世農也徽宗召至

郝老鬼兒鄭州人也

趙先生趙州人也

井柳華州蒲城人也

牛道士不知何許人

呂道者鳳翔保鷄人也

王帽師居陪陵

羅妻子少明浪州人也

袁處人夔州雲安人也

張世寧太原人也

董隱宿州人也



郭竹師汾州人也

曾志靜廬陵人也

趙麻衣不知何所人唐僖宗時道者避於終南山

王履順思州人也

劉信邑兵也

魏守清鳳翔迤卒也

朱有經州人也少竄名五符

史模鼈吳州人也

石道人齊州人也坐法而黜

單道翁開州鈴下卒也

所清絳州傳置卒也

王吉單州老兵也

王友秦中人也嘗從軍

單道人與單道翁俱隸州五符中人

朱慶開封人也少隸尺籍

袁青潁州兵卒也

孟德神勇軍之退卒也

何仙姑零市道女也



于仙姑鳳翔人也徽宗召至

向湍字東叔文簡公之後以仙姑學道

何氏二女秣陵人也

鄭仙姑徽州人也

張姥玉氏獲也

劉妍代州嫗也

張仙姑南陽人也

徐道生山陽軍婦也

冠嫗晉寧人也

侯道姑兗州妓也

漢劉向

初武帝好方士淮南王招致賓客有桃中鴻寶秘

之書言神仙使鬼物及流術事道延命之術伊人

見先是安先謀反服誅何武為武弟淮南王稱

得其書向勿而從之因得受術及寶物仙術修武

故事何異王章王喬等並以道術有不通信石在

之徒



何氏二女秣陵人也

鄭仙姑徽州人也

張姥王氏獲也

劉妍代州姬也

張仙姑南陽人也

徐道生山陽軍婦也

封豨故秦世效也

列仙傳

漢 劉向

初武帝好方士淮南王招致賓客有枕中鴻寶秘密之書言神仙使鬼物及流行重道延命之術世人莫見先是安先謀反服誅何武為武帝治淮南王獄獨得其書向幼而從之因得受讀及宣帝即位修武帝故事何異王章王喬等並以通敏有才進侍左右及見淮南鑄金之術上言黃金可成上使何異上方鑄金費多不驗下吏當使兄隱安成侯乞入國中羊贖



列仙傳  
向罪上亦以其才得減死論復徵爲皇門侍郎講五  
經於石渠至成帝時向既司典籍頗修神仙之事乃  
知鑄金之術實有不虛仙顏久視真乎不謬但世人  
求之不勤者遂緝上古以來及代秦漢博采諸家言  
神仙事約載其人及斯溥焉  
赤松子者神農時人也  
甯封子者黃帝時人也傳爲黃帝陶正  
馬師黃帝時馬醫也  
赤將子者黃帝時人

黃帝者號曰軒轅

方回者堯時隱人也

偓佺者槐山采藥人也堯時人

容成公者古稱黃帝師亦云老子師

老子姓李名耳字伯陽陳人生於殷爲周柱下史

關令尹喜者周大夫也

呂尚者與州人也避紂亂隱於遼西周釣於磻溪

嘯父者與州人也少在西州市上補履

師門者嘯父弟子也爲夏孔甲龍師



務光者夏時人也

仇生者不知何所人當殷湯時為木正

彭祖者殷大夫也姓錢名彭顯項之孫

陸終氏中子印疏者周封也

介子推者姓王名光晉人也

馬丹者晉人也當文侯時大夫

穀成子鄉平常生者不知何所人也

陸過者云楚狂接輿也

葛由者周王時人也

江妃二女者不知何所人也逢鄭文南者

范蠡字少伯徐人也事師太公望為越大夫

栗高者趙人也以栗為姓宋康余八

寇光者宋景公時人也

王子喬者周靈王太子晉也

幼伯子者周蘇氏客也

安期生者瑯琊鄉人也

酒客者梁上酒家人也

狂光者上蔡人也趙簡嘗聘之



列仙傳  
蕭史者秦穆公時人也

祝鷄翁者洛人也

朱仲者會稽人也高后時來獻珠

修羊公者魏人也後以道干景帝

稷丘居者泰山下道士也武帝時爲立祠

崔文子太山人也

赤須子者豐人也秦穆公王魚吏

東方朔平原厭次人也

鉤弋夫人者齊人也姓趙武帝幸之生昭帝

犢子鄴人也

騎龍鳴者渾亭人也

王柱者不知何所人也

園客者濟陰人也或云陳晉濟陽氏

鹿皮公者淄州人也

山圖者隴西人也

谿父者南郡庸人也

谷春者櫟陽人也成帝時爲郎

昌客者常山道人也



陰生者長安中渭橋下乞兒也

子英者舒鄉人也

毛女者字玉姜在陰山中自言始皇宮人也

服闋者不知何所人也往來海邊

文丘者太丘鄉人也

蔣丘子胥者高邑人也

子尚者楚語而細音不知何所人

陶安公者大安鑄冶師也

赤斧者巴戎人也

呼子先者漢中關下卜師也

負局先生者不知何所人也語似燕代間人

牛黃者廣陵人也

仙女者陳市上沽酒婦人也

黃院內者睢山道士也

陵陽子明者鉅鄉人也

木羽者鉅鹿南和平鄉人也

玄俗者自言河間人也



支谷春自言何尚人也

木庵春曉與南味平雅人也

劉國子與春雅雅人也

黃劉氏春雅山氏人也

山氏春刺市士亦斷獄人也

半黃春與雅人也

負員夫半春亦取何雅人也請以雅外間人

何于夫春與中關不十酒也

江淮異人錄

宋 吳淑

錢處士天祐末遊于江淮嘗止金陵湯某家中夜忽

起曰地下兵馬相闕云接令公聒我不得眠人莫之

測明日義祖自京口至金陵時人無有預知者錢又

每為識詩說方來事言李氏之祚日髣髴之間倍初

吳氏有江東四十六年而李氏三十九年或謂楊氏

自稱尊至禪代二十年故髣髴倍之耳

周廣順初江南伏龜山祀得石函長二尺廣八寸中



有鐵銘云維天監十四年秋八月葬寶公子是銘有引曰寶公嘗爲偈大字書于版帛纂之人欲讀之者必施數錢乃得讀訖卽纂之是時名士陸陞王鈞姚察而下皆莫知其音或問之云在五百年後至卒乃歸其銘同葬焉銘曰莫問江南事江南自有馮乘雞登寶位跨犬出金陵子建司南位安仁乘夜燈東隣家道闕隨虎遇明徵其字皆小篆體勢完具徐鉉徐鍇韓熙載皆不能解及煜歸朝好事者云煜丁酉年襲位卽乘雞也開寶八年甲戌江南國滅是跨犬也當王師圍其城而曹彬營其南是子建司南位潘美營其北是安仁乘夜燈也其後太平興國三年淮海王錢俶舉國入覲卽東隣也家道闕意無錢也隨虎遇戊寅年也



通雅

卷之八

Blank space with vertical lines for writing.

王... 通雅... 卷之八... 王... 通雅... 卷之八...



